

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
Broj: T04 0 KT 0068018 26
Zenica, 15.09.2026. godine

OPĆINSKOM SUDU U ZENICI
Sudiji za prethodno saslušanje

Na osnovu člana 45. stav 2. tačka i), člana 241. stav 1. Zakona o krivičnom postupku
Federacije Bosne i Hercegovine (ZKP F BiH), podižem

OPTUŽNICU

Protiv,

H. H., *neosuđivana*,

da je,

Dana 16.02.2026. godine oko 12,00 sati, na području grada Z., ispred ulaza stambene zgrade koja se nalazi u ulici ..., nakon kraće verbalne prepirke sa T. M., a zbog ranijih nesuglasica koje je imala sa M. koje stoje u vezi njegovim odnosom sa njenom majkom H. A., u stanju bitno smanjene uračunljivosti uzrokovane intenzitetom afektivnog stanja i emocionalne preplavljenosti, tjelesno ozlijedila M. tako teško da je zbog toga doveden u opasnost njegov život, na način da je, dok su stajali licima okrenutim jedno prema drugom, iz rukava jakne izvadila hladno oruđe-keramički nož zeleno-bijelo boje i drške i oštrice ukupne dužine od 15-20 centimetara, kojeg je od ranije imala kod sebe, a zatim istim M. zadala jedan udarac u predjelu lijevog ramena i u blizini pluća, kojim mu je nanijela povrede u vidu jedne ubodne rane u dijelu lijevog ramena, velikog krvnog podliva u dijelu lijeve pazušne jame, krvnog podliva kože lijeve gornje polovine grudnog koša i presjek vena prednjeg lijevog gornjeg dijela grudnog koša, a uslijed kojih povreda je kod M. došlo do posljedica u vidu prodora u lijevom prsištu, nakupine zraka i krvi u lijevom prsištu sa kolabiranjem lijevog pluća, iskrvavljenja i upale, a koje povrede u svom sveukupnom djelovanju na život i zdravlje M. predstavljaju teške tjelesne povrede opasne po život, svjesna da zadajući udarac nožem u blizini pluća može M. teško tjelesno ozlijediti, a što je i htjela, nakon čega je ispustila hladno oruđe-nož iz ruke, okrenula se i napustila lice mjesta, a zbog kojih zadobijenih povreda je oštećeni M. T. u teškom stanju istog dana primljen u Kantonalnu bolnicu Zenica,

Dakle, drugoga tjelesno ozlijedila tako teško da je zbog toga doveden u opasnost život ozlijeđenog,

Čime bi počinila krivično djelo Teška tjelesna ozljeda iz člana 172. stav 2. KZ F BiH.